





1. Kerner *De febribus parva circa modum agendi medicamentorum in genere.* Argent. vrb.
2. Trifon *Positiones tumultuariae de Haemorrhoidibus.* Argent. 1784.
3. Girard *de enematibus intestinalibus.* Argent. 1762.
4. Mathieu. *Febris malignae historia morbillosae.* Argent. vrb.
5. Ehrmann *de morbo cathartici benigno.* Argent. vrb.
6. Fried *de fure obstetricum.* Argent. vrb.
7. Stoll *de mercurii in solidis corporis humani haerentis noxa.* Argent. vrb.
8. Kurfchner *de fonte medicato castellanensis.* Argent. vrb.
9. Schenkbecher *de febre stomachica intestinali.* Argent. vrb.
10. Hermann *de Rosa.* Argent. vrb.

1. à Greger. Casus de ex...  
lis scirrhosis congenitis.
2. Risler de Tumoribus cysticis hepatis. Argent. 1488.
3. Buchholz de Hepatomephalocoele congenita. Ar-  
gent. 1488.
4. Waser de Recesu osium nasi. Argent. 1488.
5. Huran de Clinguis feminae loquela. Argent. 1488.
6. Weiler de Animalibus nocivis Alfabiae. Argent. 1488.
7. Weiler. Herniae gangraena corrupta casus et cri-  
sis. Argent. 1488.
8. Elorgerbeser de Foetus non vitalis partu duci-  
gendo. Francof. ad Viadr. 1488.
9. Hartmann Fasciculus plantarum. Francof. ad Viadr. 1488.
10. Pollich de Nutrimeto incremento statu ac decremen-  
to corporis humani. Argent. 1488.
11. Weber. Praecipua circa Pathologiam haemorrhoi-  
dum notanda. Cassellis Hassiae 1488.
12. Göering de Hymene. Argent. 1488.





32 29 2  
Q. D. V. V.  
DISSERTATIO MEDICA  
S I S T E N S  
COGITATIONES VARIAS  
CIRCA MODUM AGENDI  
MEDICAMENTORUM  
IN GENERE.

QUAM  
NUMINE SUPREMO FAVENTE  
EX CONSENSU  
GRATIOSI MEDICORUM ORDINIS  
PRO LICENTIA  
GRADUM DOCTORIS  
RITE CONSEQUENDI

DIE III. JUNII A. R. S. MDCC LXIII.  
SOLENNI ERUDITORUM EXAMINI PROPONIT  
AUCTOR

HENRICUS KENENS  
BERUVIENSIS LOTHARINGUS,  
AA. LL. ET PHILOS. MAGISTER.

---

ARGENTORATI,  
Typis JONÆ LORENZII, Typograph.





*ILLUSTRISSIMO,*  
*EXCELLENTISSIMO AC GENEROSISSIMO*  
DOMINO, DOMINO  
ANTONIO MARTINO  
DE CHAUMONT  
EQUITI,  
MARCHIONI DE LA GALAIZIERE  
CANCELLARIO,  
LOTHARINGIÆ ET BARRI  
SIGILLORUM CUSTODI  
SUPREMO,  
CONSILIORUM POLONIÆ REGIS  
PRINCIPI

JUSTITIÆ ANTISTITI  
MUSARUM PATRONO  
DOMINO  
AC  
MÆCENATI SUO  
CLEMENTISSIMO,  
HASCE  
STUDIORUM SUORUM PRIMITIAS  
IN  
DEBITUM CULTUS ATQUE SUBMISSIONIS  
TESTIMONIUM  
D. D. D.

HENRICUS KENENS.





O. A. M. D. G.

DISSERTATIO MEDICA  
SISTENS  
COGITATIONES VARIAS  
CIRCA MODUM AGENDI MEDICAMEN-  
TORUM IN GENERE.

§. I.

**M**EDICAMENTUM est corpus quodcumque natu-  
rale, hoc est vel animale, vel minerale,  
vel vegetabile sive simplex sit, sive compo-  
situm, aut variis artificiis paratum, solidorum  
fluidorumque vitia mutandi, læsasque  
restituendi functiones virtute donatum. In strictiori  
sensu, Medicamentum est corpus, quod sive intrus sive  
extus applicatum, salutarem mutationem in corpore  
animali producit. Agunt Medicamenta I. receptione suâ,  
quia pro corporis illiusque actionum indole hæc recep-  
tio contingere videtur. Agunt II. pro sua virtute,  
quam habent ab ingredientium principiis seu partibus sui  
constituentibus. Itaque de modo agendi medicamento-  
rum dissertaturus consultum duxi brevibus & physiolo-  
gicum & pathologicum corporis statum exponere, ut

A

eo

eo clarius & quæ medicamento propria sunt sub eorum actione , & quæ corpori vivo attribuenda sint perspiciam.

## §. II.

Constat Corpus Humanum ex solidis fluidisque partibus ; formant solida cavitatem a corde usque ad omnes corporis partes continuam , omnes sic partes , cum reliquis vel immediatè vel mediatè communicant ; solida fluidis semper plenissima sunt , quæ solidorum more , etiam communicant inter se , si modo vasa secretoria atque in iis secreta excipiamus. Propelluntur liquores ex cordis ventriculo sinistro in aortam arteriam fluendo & vertiginoso motu ad omnes corporis partes , omnesque exceptis excrementitiis , per venam cavam cordis ventriculum dextrum requirunt. Regularis liquidorum motus sanitatem , irregularis vero morbum creat , a deficiente in toto corpore horrida mortis imago. Sanitas itaque in æquali fluidorum motu & æquabili solidorum resistentia in omni parte consistit. Morbosus vero est status ille sive solidorum sive fluidorum , cum hæc inæqualiter moventur , majoremque faciunt in unam quam in aliam partem impetum , illa verò vel inæqualiter resistunt , vel premunt liquida in una vel in omni parte cum doloris sensu : Sic turbatur motus , vel impeditur , vel sistitur. Hic status objectum medici est. Tribus modis causæ oblata æquilibrii tolluntur idemque restituitur , diæta nimirum chirurgia & pharmacia , quæ ultima de medicamentis speciatim tractare solet.

## §. III.

Liquores in corpore nostro moti constant moleculis minutissimis , quæ tactui levissimo cedunt & in se invicem



cem arietant : vel intestino motu vel progressivo , vel novi liquidi admixtione : omnes uno sanguinis nomine venire solent , qui dividitur in diversæ indolis particulas , interim solida , quibus contineri solent præmittere statui.

#### §. IV.

Sunt ea vel cava , vel cavitate destituta : perspiratio sanctoriana , fluidum ex quantumvis minuto vulnere acus ope facto effluens , per totum corpus vasa , eaque minima distribui . indicant , imo ossa ipsa animalium rubia pastorum non nisi per minima vasa tinguntur. Vasa omnia parietes habent , atque cavitatem determinatam liquido vehendo : vis parietum contractilis excedens liquidorum resistantiam cavitatem imminuit , ab horum defectu tota obliteratur , exemplo venæ umbilicalis , urachi &c. Sic constituuntur fibræ , membranæ , & canales : hæ partes in solidis mirificè dispositæ & connexæ , perfectas actiones & usus perfectos præstant. Differunt solida pro majori vel minori cohæsionis gradu , & pro distincta propriaque irritabili indole , quibus & elasticitatem diversam non immeritò addideris : differunt & pro varia ætate , & temperie , quæ enim Infantibus laxa sunt , debilia & tenera sensim robur acquirunt & firmitudinem donec in debito ætatis incremento crassiora fiant & robustiora omnia. Senes vero rigescunt , duriores & compactiores solidas partes habent ; hinc carnes animalium vetustiorum longiori coctione indigent . : Eadem ratione vegetabilia tempore & ætate lignum durissimum formant. Fœminarum textura plerumque tenerior est & irritabilior , ideo cerebrum mobilius habent , nec injurias facile sustinent , & forte frequentioribus animi deliquiis afficiuntur. Qui temperamenti

eholerici sunt , solida habent duriora cum irritabilitate majori conjuncta, modicam magis duritatem sanguinei habent cum vi irritabili minori; minor adhuc durities est phlegmaticis cum parva irritabilitate , melancholicis vero duriora sunt omnia & maximè irritabilia. Aër, victus ratio, & motus multum solidorum robur variant; quies laxitatem facit debilitatem, & ad motus impotentiam. Morbi solidorum vel ad augmentum cohæſionis, vel irritabilitatis, vel ad utriusque imminutionem referri queunt.

### § V.

In solidis humores continentur , qui omnes originem ducunt a sanguine, hic totus fluidus est, hanc fluiditatem habet ab actione parietum & motu, nam quiescens coagulatus apparet. Sanguinis proprietates sunt vel generales, id est, quæ aliis liquidis competunt : vel speciales. Generales sunt I. quod potius patiatur quasdam partes avelli, quam totum moveri, II. quod conditiones ad fluorem necessarias habeat. Cuilibet denique fluidi nostri particulæ sua propria est & determinata moles figura, & mobilitas. II. Quælibet particula cum sibi affini in concretionem tendit III. sua cuique est specifica gravitas. IV. Vario motu projectili fluere urgentur in nostris vasis. Respectu quatuor prædictorum variis modis peccare possunt fluida. I Respectu molis idque dupliciter possunt enim particulæ vel nimis magnæ esse vel nimis tenues. II. possunt variam induere acredinem. III. nimia duritie vel soliditate peccabunt. Hæc sunt vitia fluidi partium seorsim a massa consideratarum.

### §. VI.

Sed et sanguis quoad totam massam consideratus  
no-



nomen fluidi retinet, quia in particulas admodum minutas divisus est, II quia particulae illae ab invicem separari facile queunt. Vitia sunt I. nimia cohaesio, II. Dissolutio. Cohaesio quae & alias lentor dicitur oriri potest a nimia particularum singularum magnitudine, vel a nimio earundem ad cohaerendum conamine. Causa hujus lentoris est I. Exhalatio partis fluidioris. II Caloris gradus naturalem corporis nostri calorem excedens. III. Frigus immensum quo coagulari possunt nostra liquida. IV. quies humoribus superducta, quae in iisdem ferè omnibus, praetertim arteriosis, coagulum producit. V. causa est corporum omnium sanguinem coagulantium admissio. VI. motus nimius, qui enim exercitiis violentis dediti musculos suos plurimum movent, sanguine crasso donantur. Cohaesio imminuta nimiam sanguinis fluiditatem constituit.

§- VII.

Movetur sanguis in vasis projectili & intestino motu: pauca de projectili a quo & intestinus oritur, & vita sanitasque dependent, addere liceat: intelligo enim motum per vasa circulatorium; Augetur hic motus à motu corporis aucto, ab imminuto imminuitur; Ejus incrementum vel decrementum causa plurimorum morborum evadit. Causa hujus motus primaria cor est, secundaria vasorum elasticitas. Circulatio sanguinis acceleratur. I. a cordis pulsuum frequentia, II. ab aucto illius robore, III. ab aucta mole sanguinis, posito eodem intra datum tempus pulsuum numero, velocitas enim pendet a pressione unius particulae in aliam. Circulationem retardant I. Vis cordis imminuta, II. Vasa debiliora & minus elastica, III. Ineptitudo ipsorum

liquidorum ad motum, attendendum denique est quod morus fluidorum in vasis majoribus ab illo minimorum determinetur quam maximè.

### §. VIII.

Sanguinis totius particulæ scorsim consideratæ §. V. diversam habent gravitatem & indolem; hæc diversitas facit diversum cordis impetum in varias moleculas. Celerius moventur quarum densitas major majorem impetum recepit. Figura commoda & minor superficies minorem resistantiam in fluido reperit, cum quo moventur, celerius moventur quibus per axin moveri contingit, sive ex suo pondere, sive ex directione qua ex corde exierunt, porro in convexitatem flexionum feruntur, quæcumque motu projectili excellunt, eæ vero repunt per concavitatem quæcumque majus gravitati aut lentori, minus morui projectili parent. Ita sanguis ad secretiones disponitur. HALLERUS *in comp. Physiol.* §. 49. p. 90. Secernuntur ita & excernuntur quæcumque superflua sunt in humoribus, nec in liquores inquilinos mutari queunt; nec perinde est in qua proportionem partes sanguinem constituentes in corpore moveantur, omnia enim mutua mixtione & respectu impressionibus solidorum resistere, & ab iis moveri debent.

### §. IX.

Hæc de fluidis solidisque corporis nostri partibus. Lustravi brevibus quid singulæ ad sanitatem conferant, quique vel ex parte vel in totum peccantes morbum constituent: nunc de actione medicamentorum in genere, postea vero de modo vitia solidorum fluidorumque mutandi tractationem inchoabo.

### §. X.



Et primò quidem indagandum quid medicamenta secundùm leges omnibus corporibus communes operentur. Agunt enim mechanicè & physicè: cognita mechanicas inter & physicas leges differentia, utriusque actionis proprietatem facilè declarat. Et quidem mechanicè agentia sequuntur vim impressam & determinatam, eorum actio ad figuram, massam; velocitatem, & motum referri solet; sic agunt instrumenta chirurgica, non quoad proprietates intrinsecas, sed extrinsecas, quæ cum ad sanitatem conferant medicamenta mechanica dici queunt. Propriè magis medicamentorum nomen attribuitur illis corporibus quæ physicè agunt; hæc actio a proprietatibus indeterminatis, inexplicabilibus, & a partibus insensibilibus & elementariis moleculæ dictis derivanda est: nam etiamsi figura opii ejusque qualitates mechanicæ forent perspectissimæ, nunquam tamen vis ejus narcotica exinde explicari posset.

§. XI.

Præmissa distinctione quæ est instrumenta inter & medicamenta strictè sic dicta, nunc quantum hæc ab alimentis differant videndum est. Alimenta deperditas per motum partes restituunt; Medicamenta verò cum ægris sanitatem restituant, morbosas condiciones mutandi virtute instructa esse debent, quæ cum merè conditionalis sit, semper sub usu vitium vel in solidis, vel in fluidis præsupponit partibus: cum verò medicamenta semper agant, in corpore sano vel nihil efficient, vel quod sanum est mutando, morbum facessant. Nonnisi vulgus Medicamentum absolutum & salutare semper dicet. Communis est medicamentorum cum alimentis actio, utrique ma-  
chin-

chinæ nostræ mutandæ potestas est, utraque nocent inconsulto adhibita: non nisi in minimas divisa moleculas secundas vias intrare queunt; minus tamen alimenta irritant, quippe quæ assuescimus, medicamentorum verò rarius exhibitorum evidentior est effectus, consuetudo usum familiarem sine noxa facit, sic & venenis assuescimus. Medicamentum inconsulto adhibitum venenum fit, ita & prudens veneni usus illud in potentissimum medicamentum transmutat, recte enim vel perversa ejusdem corporis administratio ex eodem sive Medicamentum sive venenum facere potest.

## §. XII.

Medicamenta sunt vera corpora agentia in corpus nostrum secundum leges omnibus corporibus communes: cum verò vis vitalis simul cum medicamentis agat, obscura redditur medicamenti actio, nec rarò effectus ipsi tamquam causæ proximæ adscribitur, qui ab eo vel planè non, vel remotè tantum pendet: manifesta magis est propria ipsius actio, si nullâ habitâ vis vitalis ratione, in solum corpus consideretur effectus: sunt enim medicamenta quorum absoluta patet in sanguinem efficacia, quorsum referas ① quod sanguini e vena fluenti immissum, eundem rubicundiores reddit & fluidiores, huc spectat & ♀ ☉ ♂ ii quod sanguinem evidenter resolvissè visum est: spiritus vini coagulat, & in grumos convertit cum +dis mineralibus &c. non magis obscura est emolliens, atque adstringens medicamentorum in cadavere efficacia. Corpora sic agunt triplici modo inter se, vel quatenus unum in alterum movetur, vel pondere, vel adhæsione. Actio eorum quæ cum motu corpori nostro applicantur, ab eorum quæ sine motu adhibentur non nisi gradu



gradu velociori differre videtur; idem igitur est agendi modus: Gargarismata, injectiones, stillicidia &c. exempla dant eorum quæ cum motu ad varias corporis partes determinantur, vel si velis actionem in linguam, fauces, œsophagum atque ventriculum considerare, in omni casu cum motu adhibentur, sub hoc vero motu sensibilibiter non agunt, nec effectus a motu desiderari solet: Maximam vero attentionem meretur ille, qui cum sanguine a vi cordis & actione arteriarum imprimitur. Moles & pondus particularum nil vel parum efficiunt, nisi vellis quod vario modo cordis vi resistendo varias in sanguinem impressiones accipiant, sicque citius vel tardius ad secretionem disponant. Qui a compressionem in topicis desiderant affectus, quæ modo actionem juvet, modo impediat, hos vi extraneæ adscribito.

### §. XIII.

Motus & gravitas ex §. ant. determinant medicamenta, & in unam potius quam in aliam partem dirigunt: nec tamen hic est effectus medicamentorum proprius, superest ergo ut secundum adhæSIONem, & affinitatem suarum particularum actionem suam exerant: & si quæ actio medicamenti determinari possit ex cohæSIONe cum fibris corporis nostri vel cum particulis minimis fluidis, ea hoc modo physicè poterit explicari. Omnis actio a natura principiorum deducenda est, sic a simplicibus ad composita ratiocinamur. Vis principiorum vel in mixtione vel in aggregatione ponitur, ab hac compositas vires medicamentum recipit, ab illa vero, non nisi unicam. Multæ nobis sunt cognitæ, plurimæ verò uberiori indagatione explorandæ latent.

### §. XIV.

Non sola tamen principia virtutes, licet cognita do-

cent. Odor sapor, classis naturalis, analysis chymica suspicionem, nequaquam perfectam dant certitudinem: exactissimè enim cognitis corticis Chinæ substantiis, nequaquam de ejus vi febrifuga certus ero: nec organa nostra ex corporibus producere queunt quæ violenti igni alias propria sunt. Non nisi sola & intima corporis mixtio vires constituit, corpus enim in infinitum fere divisum, post suum etiam in corpore effectum & excretionem odorem suum urinæ & transpirationi solet imprimere. Interim ex codicibus materiæ medicæ magni & a me æternum colendi Professoris mei SPIELMANNI sequentes adducere liceat Canones.

1. Fossilia insipida, nec in  $\nabla$ , nec in levioribus + solubilia nullos effectus in C. H. edunt.
2. Quæ cum acidis effervescent, exsiccantes & absorbentes vires habent.
3. Salia incidunt & stimulant.
4. Insecta stimulandi & urinam movendi facultate pollent.
5. Partes animalium ad demulcentia pertinent.
6. Fortiori odore instructa nervos commovent, solida stimulant.
7. Quibus sapor aquosus est, ea laxant, diluuntque viscida, lubricant, & demulcent; falso & acido sapore prædita salium naturam sequuntur.
8. Quæ linguam stringunt & rodunt, adstringentes rodentes & irritantes vires edunt.
9. Vegetabilia dulcia vires demulcentes & saponaceas habent.
10. Pinguia insipida emolliunt & laxant.
11. Amara fibras roborant, bilem suppleant, vermes necant, mucum solvunt.
12. Acria debita dosi exhibita solida stimulant, fluida attenuant.
13. Austera vires adstringentes exserunt.



§. XV.

Hæc de diversis principiorum viribus. Nunc ad modum per quem physicè hanc actionem producant attendendum est: illum autem §. XIII. & cohæsione, & similitudine materiali vel dissimilitudine explicandum iudico. Agunt enim in solida & liquida Corporis Humani, vel in utraque simul: in solida ea constringendo & relaxando: in liquida vel resolvendo, vel incrassando vel diluendo certas eorum particulas, vel totam massam: sed nec solida nec fluida mutare queunt, nisi aggregationem particularum vel resolvendo, vel firmando: Evin- citur enim secundum *Compendium chymicum* clarissimi Professoris SPIELMANNI §. XLVII. p. 43. » Quod aggre- » gationis vinculum sit affinitas quæ inter partes alicujus » corporis intercedit, hinc solutionis ratio erit affinitas ma- » jor minimarum partium menstrui, cum illis solvendi » quam ea est quæ inter has intercedit, inde quæ magis » affinia sunt inter se, relinquent ea cum quibus minorem » affinitatem habent, adhærebunt sibi invicem, & ita no- » vam aggregationem, novum corpus formabunt, cujus » aggregationem solvens & soluta, quæ in unum conflu- » xere constituunt. Dein §. XLVIII. Cum solutionis ra- » tionem ab affinitate quæ inter solvens & solvendum in- » tercedit pendere ostenderim, hinc facile deducitur quod » corpora in aliquo menstruo solubilia aliquid de ejus na- » tura possideant. Nonne ex his pulcherima de actione cor- » porum physica in corpus humanum corollaria deduci » queunt? Annon specifica sic actionem suam exercent? » Annon pro varia, quæ ipsis intercedit & certos liquores » affinitas, vario illos modo ad secretionem disponunt?

§. XVI.

Cum affinitas similitudine materiali duorum corporum

fundetur, videri posset acsi accessu vel augmento similis materiae, materia peccans augetur: dubium evanescet si ad attractionem duorum corporum neutiquam omnimoda similitudo requiratur; dein penetrata aggregatione, corpora non semper agunt propria sua vi sola, sed vi composita sic absorbentia cum acidis primarum viarum coeunt formantque ex connubio salem medium egregiè resolventem, incidentem, & laxantem primas vias. Ait enim BOERHAV. *Elem. Tom. II. pag. 252.* Ex alcali & acido acerrimis causticis sola miscela statim oritur sal neuter, blandus, frigefaciens nullo modo corrodens, ut ① regeneratum, ergo materia peccans non augetur per attractionem affinium, licet id contingere queat, in incongruis medicamentis intempestive adhibitis.

## §. XVII.

Ex dictis medicamenta agunt in illas partes cum quibus major ipsis intercedit affinitas. Illustrabunt hanc thesin sequentia. Resinae propter partes suas oleosas aquam respuunt, dissolvuntur autem a spirituosiss, oleosis, & saponaceis, cum quibus major ipsis est affinitas. Gummata propter aqueum principium, ab aqua recipiuntur, bilis verò saponacea reposcit: sic aquosa sanguinem inflammatorium non penetrant, saponacea verò egregiè resolvunt. Alia fixa salia ex unione principii inflammabilis, terrae & acidi vegetabilis vi ignis factae constant, hinc ex uno latere pinguedini & oleis, ex altero aquae obediunt, hinc diversa inter se uniunt, & egregiè resolvunt & abstergunt. Aqua pluvialis subtili pinguedine saponem solvit quem acidulae in grumos coagulant. Agunt sic medicamenta analyticè in solida ea roborando, constringendo, syntheticè relaxando, corro-

dendo



dendo &c. secundum easdem leges tenues fluidorum partes incrassantur ad debitam consistentiam, spissæ attenuantur si aggregationem destruant, vel etiam resolvuntur. Innumera addi possent, quæ Thefin meam non solum probarent, sed & clariorem redderent, verum vasta materies paucis comprehendere nequit.

### §. XVIII.

Tractata nunc, de physicâ medicamentorum actione, quæ tamen ipsa mutationum in corpore post acceptum medicamentum iusta non est, nec sufficiens ratio, ad aliam causam investigandam accingo me: Accedit enim irritabilitas seu vitale principium quod pro suo gradu causam animalium motuum in se continet. Meum non est hic in ejus naturam inquirere, cum certis Clarissimi HALLERI experimentis ejus existentia clare demonstretur. Acquiescimus enim in virtute magnetis attrahendi ferrum, licet vim atque eventum ignoremus, sufficiat ergo pro nostro scopo animal ab hacce facultate regi motusque in corpore necessarios exequi, sive ex voluntatis jussu, sive minimè, atque hæc facultas est quam sequi verum oportet & genuinum Medicum. Unus enim ille de viribus medicamentorum aptè dixerit qui mutaram ab illis naturam, & mutantem alia observavit cautè. Ope horum adjuta natura morbos sanat immedibiles. BOERH. addit FRIDER. HOFFMAN. non minimam esse prudentiam distinguere effectus remediorum ab effectibus solius naturæ. Etenim in morbo non sola medicamenta agunt, sed & natura. Videmus ergo medicamentorum effectus non ex sola vi principiorum, sed & ex indole partium, & natura motuum explicandos esse. Idque quia nullus effectus formalis aut virtus

quædam remediis inhæret, sed omnem quam exercent in corpore humano obtineant demum ab ipso.

§. XIX.

Cum verò irritabilitas ex varia solidorum textura varia sit, hinc quam claritatis gratiâ in præcedentibus dedi solidorum ideam & huc referendam censeo. Agit in solida medicamentum, quæ vicissim reagent, sicque in motum agitur, & quemadmodum motus ex congressu duorum corporum & reactione emergit, ipsaque vis motrix unius corporis ab alterius reagente modificatur, ita & medicamenta in nostrum corpus agere solent. Effectus itaque medicamentorum sunt species motus, ergo tam Corpori Humano, quam ipsi medicamento adscribendi sunt: siquidem nullum corpus per se movetur, sed omnis motus perficitur ab alio. Ex his manifestum est, quod de medicamento salutaris a priori effectus difficulter prædicari queat: effectus enim utriusque pender ab illorum actione in corpus, huiusque reactione, quæ non solum a parte fluidorum, sed & solidorum simul expectanda est. Eleganter circa corpora effarunt veteres Philosophi, dum ea non agere secundum sphæram activitatis, sed receptivitatis inquiebant, & ad edendum effectum non sufficere tantum causam, sed etiam ipsius subjecti dispositionem legitimam requiri. Duo ergo advertenda sunt ut salutaris vel noxius, ex remediis sic dictis, in corpus invèhatur effectus, ipsum nempe corpus quod pharmaci loco propinatur, & ipsum quoque corpus humanum, hæc invicem erunt conferenda, hic proportio, quærenda & indaganda, ut certus quem medicus intendit sequatur effectus. Exinde ratio redditur diversorum unius medicamenti effectuum. Ipsam texturæ di-  
ver-



verſitatem, cum alimentorum & pharmacorum facultate  
 comparavit CELSUS *L. II c. 20.* his verbis: » Imbecillibus  
 » hominibus rebus infirmis opus eſt, mediocriter firmos,  
 » media materia ſuſtinet, & robuſtis apta validiſſima eſt;  
 & HIPPOCR. *L. de Locis in hom. §. 55. &c.* eadem ſic con-  
 ceptis verbis pronunciat: » medicamenta fortiora a natura  
 » in debilibus morbis dari non oportet, ac paulopoſt: me-  
 » dicamentum ſingulis ſecundum naturam, debilibus debi-  
 » lia a natura, fortibus autem fortis naturæ pharmaca ex-  
 » hibenda ſunt. Non mirum ergo quod eadem medica-  
 menti doſis tam diverſos in variis hominibus producat  
 effectus, & cur idem purgans colicas, vomitus, morus  
 febriles in delicatulis excitet, nec ſimile quid in fortiori-  
 bus; non mirum quod interdum ſatis draſtica inefficacia  
 ſint, interdum proriſus inſuetum effectum producant.  
 Ideo CELSUS *in Præfat. pag. 19.* » memoriæ prodi-  
 » dit, non eadem omnibus etiam in ſimilibus caſibus opi-  
 » tulari, & certas quaſdam res eſſe, quæ in pluribus ven-  
 » trem aut adſtringant, aut reſolvant, inveniri tamen in  
 » quibus aliter, ac in cæteris idem eveniat. Ergo qualis  
 eſt diverſitas motus atque ſenſilitatis in diverſis corpori-  
 bus, talis eſt imprimis medicamentorum operatio quo  
 major enim eſt ſenſilitas corporis eo major erit energia  
 pharmaci, & contra quo minor illa, eo debilior quoque  
 hæc. Optimè id quidem illi norunt, qui febres mali-  
 gnas tractandas habent, quarum indoles ita comparata  
 eſt, ut ſubitanæ ſine cauſa manifeſta virium proſtra-  
 tionem ſeu reſolutionem, probe ab oppreſſione virium  
 dignoſcendam protinus ab initio inducant: his ſiquidem  
 ſæpius emetica ſine effectû dantur, etiamſi duplo, tri-  
 plove auctâ doſi. In affectibus ſoporofiſ, apoplexia,  
 catarrho ſuffocativo idem accidit & pro defectu vi-  
 rium vario, debilior ſimul, emeticorum, purgantiumque  
 operatio exiſtit.

§. XX.

Hæc de differentiâ irritabilitatis plurimorum individuum: Aft eadem vis motrix in eodem corpore non omnibus partibus, æquo gradu infusa est, communicant tamen inter se partes, sic ut si una pars movetur vel afficitur, cæteræ plures in consensum rapiantur. Exempla hujus irritabilitatis diversæ, variarum partium sufficientia leguntur in HALLERI *Traité de l'Irritabilité &c* observatur enim incute, fibra musculari, ventriculo, intestinis, utero, corde, lingua, oculo, medullari parte nervorum, & quæ unam ex his partibus movent, ea alteram prorsus non afficiunt: nonnullæ enim a levissimis rebus etsi non acribus valdoperè irritantur, a fortioribus vero nunquam aut insensibiliter duntaxat. Per-  
spicimus ideo cur quædam agant in apicem linguæ ut sal marinus, alia ab apice ad mediam ferantur, ut gentiana, alia basin afficiant ut cucumis asininus. Sic absynthium in pharynge, sinapi in posterioribus narium sentimus. Confer. *Dissertation sur les médicamens qui affectent certaines parties du corps humain plutôt que d'autres, & quelle seroit la cause de cet effet. par Mr. BOISSIER D. S. &c a Bordeaux.* Gummi gutta, jallapa &c. linguam non afficiunt vehementissimè tamen primas vias, sic bilis intestino duodeno familiaris in ventriculo nauseam, cardialgias &c. producit, sic sanguis ventriculum fatigat, aqua limpidissima trachæam vehementer afficit, non vero mucus in ea secretus. Frustra ratio horum omnium in immutabili partium pharmaci compositione, & miscela solis quæritur, quæ existit in corporibus vi vitali donatis, & pro hujus diverso gradu reagentibus.

§. XXI.

Patet ex dictis quam male agant illi, qui effectus medica-



dicamentorum mechanicis solis explicare conantur principiis: effectus enim nunquam major est suâ causa. Quis vero tanta sternutationis molimina ab uno hellebori grano producta huic proportionata vel æqualia dicet? Legatur D. DAN. BERNOULLI *Hydrodyn. pag. 81.* ubi omnes machinæ eadem potentiâ absolutâ, eundem effectum præstant, si modo a frictionibus motibusque ad destinatum finem inutilibus animus abstrahatur. Idem *ibid. pag. 166.* » Non desunt qui putent machinam excogitari posse, cujus ope minimo labore aquæ quantitas ad quamlibet altitudinem elevari possit, animumque ex- cruciant, in inquirendis rotis, vectibus, sed operam perdunt: neque audiendi sunt hujusmodi promissores. Hæc si non sufficiant, cur eadem medicamenti dosis data hominibus diversa vi vitæ præditis non eosdem & vi suæ proportionatos semper producit effectus? cur nil præstant deficientibus viribus & sensu? cur cantharides in corpore demortuo vesicas nullas elevant? cur parum vel nihil agunt ea quibus assuescimus? cur medicamenta diversæ virtutis diversas etiam partes afficiunt? cur secundum HIPPOCRAT. Natura sibi invenit ad evacuandum viam; & licet sine doctore, ea quæ opus sunt, efficit? ad hæc natura diversarum medicamenti molecularum multum quidem contribuit, nec tamen ipsa explicat, cur major fiat in hanc potius, quam in illam partem spirituum influxus præsentē stimulo: non enim explicat cur irritata membrana narium potius motum sternutatorium quam tussim vel alium pectoris motum producat: iidem enim nervi qui sternutationem producant, & tussis, singultus, suspirii &c. causæ evadunt, Sic gutta aquæ ad epiglottidem tussim format, emetica vomitus cieunt, purgantia dejectiones alvinas &c. plura addere non libet præter illud BOERHAVII dissertum: In sanandis tandem

C

morbis

morbis principatum obtinet natura . . . vix alteri quid natum in vivente vel aliunde susceptum ut arsenicum, quæ molimina vomitoria? ut nocivum expellat quæ excitationes humorum, ut diluat, abluat, detergat, leniat &c.

## §. XXII.

Ergo virtus medicamentorum ab eorundem actione in corpus, hujusque pro vario irritabilitatis gradu reactione dependet omninò. Idem testatur memorabile exemplum a D. JO. HENRIC. SCHULTZIO in sua *Therapia generali* §. 633 ubi sic legere est: »modus quo agunt ad-  
»stringentia plane est admirabilis, quippe sæpius visum  
»est, modicam ejusmodi medicinæ portionem vix deglu-  
»titam adstrictionis effectum in loco remoto dedisse. Sic  
»memini, me ipsum Halæ in collegio anatomico experi-  
»mentum fecisse medicinæ cujusdam mineralis, inter Dip-  
»pelii discipulos notissimæ, ubi cani mensæ alligato vivo  
»arteriam cruris aperuimus, & fortissime fluente sanguine  
»guttulam unam vel alteram ori infudimus, quo vix factò  
»sanguis salire desinebat, inque ora vulneris coagulaba-  
»tur. Rationem reddit §. 635. ubi aliquid e longinquo  
susplicandi potius quam intelligendi locum faciunt per  
corpus nostrum admirabili modo distributi nervi, qui  
non solum vasorum tunicas passim subeunt, sed quorum  
etiam insignes & magnum artificium præ se ferentes ple-  
xus ramos vasorum sanguineorum passim circumdant &  
amplexantur &c. Idem testatur mirabilis effluviolorum in  
C. H. efficacia, alii enim a rosarum odore in anxietate,  
lypothimias properantes præcipitantur BOYLEUS  
alii alvum solutam experiuntur. SCHULTZ *Mat. Med.* p.  
181. aliud idem ostendit, de insigni vi opii insistendo  
ejulatu



ejulatu & abdominis contorsionibus §. 28. aliud in *Prælectionibus in dispensat. Brand. p. 21. edit. 2dæ* de insigni vi lætificandi croci, quam illico in tenerrimis infantibus ostendit, admoto ipsorum naribus vitro in quo nuper essentia croci fuit, siquidem statim risus suboritur. Huc spectant jam dicti inexpectati medicamentorum effectus qui a vitro antimonii observari possunt, quod quamvis tam vehementer in nonnullis agit, ut etiam veneni naturam emuletur, & plus vice simplici sphacelofam corruptionem ventriculo induxerit, in quibusdam tamen nil molitur. Purgantia medicamenta quamvis fortissima spem similiter interdum fallunt. De Eudemochio referunt *Miscellan. Nat. Curios.* quod unò die 22. portiones hellebori albi assumpserit, nec tamen vomitum, nec alvum exinde referatam senserit. Dein varii effectus quos idiosyncrasiis quidam adscribunt nonnisi viribus motricibus attribuendos censeo, sunt tales innumeri nec huc referri queunt. Turcas eadem dosis opii ad venerem stimulat & reddit animosiores, quæ lethalem nobis induceret narcosin: arsenico assuescimus a minima dosi incipiendo, eamque continuato usu parum semper augendo. Plura hic addere possem, præsertim ubi soli animi affectus, eadem sæpe ac pharmaca in corpore videntur producere phænomena. Sufficiat indagasse actionem medicamentorum in genere, & ita quidem ut a priori difficilis sit promissio effectuum, vanamque esse & temerariam panacearum omnium jactitationem, sufficiat demonstrasse neminem posse mederi cui non natura corporum quæ quocumque modo sumimus, cum fabrica corporis humani ejusque functionum indole sunt perspectissima. Tunc demum genuinus & honestus Medicus dici poterit cum HIPPOCRATE deinde verò quid opus est Medicinæ fortunâ, si enim morborum medicamenta clara sunt &

manifesta, veluti quidem arbitror, non expectat sanè fortunam ad sanandos morbos, siquidem sunt medicamenta: si verò cum fortunâ ipsa exhibere prodest, non magis medicamenta quam ea, quæ non sunt medicamenta una cum fortuna exhibita sanos faciunt.

### §. XXIII.

Expositis nunc breviter actionibus quæ tam ex natura medicamentorum, quam ab irritabili solidorum indole observari queunt, nunc brevibus, quo modo in solida & fluida corporis agant exponendum. Indagavi itaque, utrorumque tam physiologicam, quam pathologicam indolem: qui enim mederi poteris nisi cognito prius sanitatis termino? qui relaxabis, constringes solida, qui & fluida alterabis nisi quantum a sanitate deflectant perspexeris? Nec minus consideranda venit viarum dispositio, quæ quædam medicamenta recipit, alia impedit: Sic terræ absorbentes non ultrà primas vias actionem suam producere videntur, sic alia propter figuram commodam operantur in hæc potius, quam in alia viscera; hisce si jungas affinitatem materiale qua quædam potius sanguinem, quædam serum afficiant &c. orietur notio specificorum, unde anti-scorburica, lympham corrigentia, hydragoga phlegmagoga cholagoga &c. alia vero caput, alia cor, alia hepar, alia stomachum, alia uterum, unde cephalica, cardiaca, hepatica, stomachica, uterina &c. Quamquam enim hæc affinitas totam actionem non exhauriat, tamen determinat, cur potius in hanc quam aliam partem fiat actio.

### §. XXIV.



§. XXIV.

Determinatur itaque actio medicamentorum in solida ad constrictionem, incitationem & relaxationem, sicque eorundem cohæsiō vel augetur vel imminuitur. Et confringentia I. quæ rationem aquæ ad partes terrestres imminuendo, fibrarum contractionem, augent, & incitantia quæ per impulsū & adhæsiōem in latera, ea irritant, sensationem notabilem in iis efficiunt, & motum sic excitant huic sensationi proportionatum, varios pro varia parte & irritationis modo producent effectus. Fiunt enim primo sistentia & repellentia, quippe quæ fibras constringendo suam actionem producant, exemplo lactifugorum, hæmorrhagias sistentium. 2. Roborantia. 3. Evacuantia, quæ omnia irritant, & constringunt certas partes, motuque factō tonico, evacuationem absolvent. 4. Exhilarantia, analeptica, quæ blandissimè stimulando, titillationem nervis gratam inducunt, sicque motum naturali paulo majorem efficiunt. Altera actio est relaxatio, sub qua fibræ rigiditas & spasmus imminuuntur: augent relaxantia, rationem glutinis & aquæ ad partes terrestres, sicque solida demulcent, irritabilitatem imminuunt, & ab hac dependentes motus vitales & tonicos: hoc modo agunt Temperantia, Anodyna, Narcotica, & Antispasmodica.

§. XXV.

Fluida etiam, quæ intestino progressivoque motu continuò moventur suo etiam a naturali statu dum deflectunt, requirunt medicamina. Peccant autem dupliciter, vel quoad partes sui constitutivas, vel quoad totam massam, sicque vel nimia spissitudine, vel dissolutione.

lutione, vel acrimoniâ quacumque: His vitiis medentur I. Resolventia. II. Incrassantia. III. Alterantia Quorum actio tam a motu intestino & progressivo promovetur, quam adhæsione absolvitur. Resolventia quidem a motu tonico incipiunt, sic ob gravitatem specificè majorem, majorem vim experiuntur, agunt in particulas tardius motas cunei in modum, sicque mechanicè earum aggregationem imminuunt, fluida sic dissoluta non amplius, resistent solidorum impulsui, accelerabitur circulatio, omnesque secretiones a nimia crassitie impeditæ restituentur. Incrassantia vero, quæ nimiam humorum fluiditatem consumunt, impediunt I. motum solidorum a quo hæc resolutio dependebat, cum enim crassa sint & mollia corpora minus cedent impressioni, cujus enervatur actio, cohærebunt dissolutis particulis, atque novam cum illis aggregationem formantes, novam ipsis dant consistentiam & vim restituendi motus debiti. II. Incrassant omnia se & excretiones augentia, dissolvunt enim serosas particulas, atque eorum diametrum orificio vasorum fecernentium proportionant: sic privatur sanguis particulis a quibus sola fluiditas. Alterantia tandem determinatas partes aggrediuntur, ipsarumque mixtionem penetrant, novumque ex connubio corpus constituunt licet quoad fluiditatem non multum mutare videantur: Sic absorbentia cum acido primarum viarum formant salem medium, sic acida agunt in febribus putridis sitimque & calorem imminuunt.

## §. XXVI.

Hæ sunt simplices tantum actiones nec medico solæ sufficiunt: cum enim secundum Celsum non post rationem medicina inventa sit, sed post eam inventam ratio demum



demum quæſita fuerit, ad compoſitas potius attendere debemus, eas nimirum quæ ex actione ſolidorum fluidorumque ſimul excreſcentes, ſimul poſt effectum conſpiciendæ ſunt: Nullæ enim evacuationes fiunt, niſi alteratis primum fluidis & ſubſequenti motu tonico: agunt itaque evacuantia vel ſtimulando ſolida, irritando ventriculum, Inteftina, atque ſanguiferorum vaſorum tunicas, vel reſolvendo fluida eorumque ſecretionem promovendo Eodem modo agunt incidentia, emollientia, temperantia &c. Qui plura cupit adeat Magni BOERH. *Tractatum de viribus medicamentorum.*

Succifas hæſce, variasque de viribus medicamentorum in genere ideas contexere me coëgit & temporis & ingenii anguſtia.

F I N I S.

*Omnia ad majorem DEI Gloriam  
& Proximi Salutem.*



